



三十家詩鈔卷六目錄

陰子堅五古三十四首

新城安樂宮

班婕妤怨

蜀道難

和登百花亭懷荆楚

奉送始興王

廣陵岸送北使

江津送劉光祿不及

和傅郎歲暮還湘州

三十家詩鈔

卷六

目錄

渡青草湖

渡岸橋

遊始興道館

開善寺

罷故章縣

閒居對雨二首

行經古墓

和樊晉陵傷妾

和侯司空登樓望鄉

登武昌岸望



晚出新亭

晚泊五洲

詠得神仙

遊巴陵空寺

秋閨怨

南征閨怨

侯司空宅詠妓

經豐城劔池

西遊咸陽中

觀釣

三十家詩鈔

卷六

目錄

詠石

侍宴賦得夾池竹

雪裏梅花

五洲夜發

詠鶴

徐孝穆五古三十五首

驄馬驅

中婦織流黃

出自薊北門行

隴頭水

折楊柳

關山月二首

洛陽道二首

長安道

梅花落

紫驪馬

劉生

同江詹事登宮城南樓

走筆戲書應令

春情

三十家詩鈔

卷六

目錄

奉和詠舞

和簡文帝賽漢高帝廟

山齋

詠柑

侍宴

奉和山池

山池應令

別毛永嘉

秋日別庾正員

新亭送別應令

和王舍人送客未還闈中有望

為羊克州家人答餉鏡

詠織婦

內園逐涼

鬪雞

詠日華

詠雪

春日

奉和簡文帝山齋

庾子山五古二百二十六首

三十家詩鈔

卷六

目錄

對酒歌

昭君辭應詔

王昭君

出自薊北門行

結客少年場行

烏夜啼

奉和泛江

奉和山池

陪駕幸終南山和宇文內史

和宇文內史春日遊山中

遊山

和宇文京兆遊田

奉報寄洛州

奉報窮秋寄隱士

上益州上柱國趙王二首

謹贈司寇淮南公

正旦上司憲府

任洛州酬薛文學見贈別

將命至鄴

將命至鄴酬祖正員

三十家詩鈔

卷六

目錄

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

同盧記室從軍

伏聞遊獵

見征客始還遇獵

奉和闡宏二教應詔

至老子廟應詔

奉和趙王遊仙

奉和同泰寺浮圖

奉和法筵應詔

和從駕登雲居寺塔

和何儀同講竟述懷

奉和趙王隱士

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搗衣

預麟趾殿校書和劉儀同

和宇文內史入重陽閣

忝在司水看治渭橋

北園新齋成應趙王教

三十家詩鈔

卷六

目錄

六

同會和陽公新造山池聊得寓目

登州中新閣

歲晚出橫門

北園射堂新成

園庭

歸田

寒園卽目

幽居值春

臥疾窮愁

山齋

三十家詩鈔

卷六

目錄

望野

蒙賜酒

奉報趙王惠酒

有喜致醉

喜晴應詔 勅自疏韻

同顏大夫初晴

奉和趙王喜雨

和李司錄喜雨

郊行值雪

奉和趙王西京路春日



奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒衰

仰和何僕射還宅懷故

送吳法師葬

和人日晚景宴昆明池

三十家詩鈔

卷六

目錄

對宴齊使

聘齊秋晚館中飲酒

奉和濬池初成清晨臨泛

秋吳法師遊昆明池二首

見遊春人

別周尚書宏正

別張洗馬樞

別庾七入蜀

將命使北始度瓜步江

反命河朔始入武州

冬狩行四韻連句應詔

和王內史從駕狩

入道士館

奉和永豐殿下言志十首

奉爾成詠

慨然成詠

奉和賜曹美人

和趙王看伎

奉答賜酒

奉答賜酒鷺

三十家詩鈔

卷六

目錄

正旦蒙趙王賚酒

衛王贈桑落酒奉答

蒲州刺史中山公許乞酒一車未送

答王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

和穎川公秋夜

詠畫屏風詩二十五首

鏡

梅花

詠樹

寄徐陵

寄王琳

奉和趙王

和劉儀同臻

三十家詩鈔

卷六

目錄

和庾四

和侃法師三絕

送周尚書宏正二首

重別周尚書二首

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看伎

看舞

聽歌

暮春野興賦得傾壺酒

對酒

春日極飲

春望

三十家詩鈔

卷六

目錄

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池鴈

詠鴈

忽見檳榔

移樹

奉梨

傷往二首

春日離合二首

和湘東王後園迴文

三十家詩鈔

卷六

目錄

七

三十家詩鈔卷六目錄

善化黃維申校

三十家詩鈔卷六

東湖王定安增輯

陰子堅五古三十四首凡樂府詩集錄者以△識之

△新城安樂宮歷代吟譜曰鏗賦新城安樂宮援筆立就古今樂錄曰王僧虔技錄有新城安樂宮行今

不歌樂府解題曰新城安樂宮行備言雕飾刻斷之美也

新宮實壯哉雲裏樓臺迢遞翔鴟仰連翩賀燕來重欄寒霧

宿丹井夏一作夜蓮開砌石披新錦花梁畫早梅欲知安樂盛歌

管雜塵埃

△班婕妤怨樂府解題曰婕妤怨者為漢成帝班婕妤作也婕妤好美而能文初為帝所寵愛後幸趙飛燕姊弟冠於後宮婕妤自知見薄乃退居東宮作賦及歛扇詩以自傷悼後人傷之而為婕妤怨也

三十家詩鈔卷六陳陰鏗

柏梁新寵盛長信昔恩傾誰謂詩書巧翻為歌舞輕花月分窗

進苔草共階生妾淚衫前滿單眠夢裏驚可惜逢秋扇何用合

歡名

△蜀道難古今樂錄曰王僧虔技錄有蜀道難行今不歌樂府解題曰蜀道難備言銅梁玉壘之阻與蜀國絃

頗同

王尊奉漢朝靈關不憚遙高岷長有雪陰棧屢經燒輪摧九折

路騎阻七星橋蜀道難如此功名詎可要

和登百花亭懷荆楚

江陵一柱觀潯陽千里潮風煙望似接川路恨成遙落花輕未下飛絲斷易飄藤長還依格荷生不避橋陽臺可憶處惟有莫

將朝

奉送始興王

良守別承明枉道暫逢迎去帆收錦紵一作纜歸騎指蘭城紛紜  
連山暗潺湲派水清桂晚花方白蓮秋葉始輕背飛傷客念臨  
歧憫聖情分風不得遠何由送上征

廣陵岸送北使

行人引去節送客艤歸艫卽是觀濤處仍爲郊贈衢汀洲浪已  
息刊江路不紆亭嘶背櫂馬檣轉向風烏海上春雲雜天際晚  
帆孤離舟對零雨別渚望飛鳧定知能下淚非但一楊朱

江津送劉光祿不及

三十家詩鈔

卷六

陳

陰鑑

二

依然臨送渚長望倚河津鼓聲隨聽絕帆勢與雲鄰泊處空餘  
鳥離亭已散人林寒正下葉釣晚欲收綸如何相背遠江漢與  
城闔

和傅郎歲暮還湘州

蒼茫歲欲晚辛苦客方行大江靜猶浪扁舟獨且征棠枯絳葉  
盡蘆凍白花輕戍人寒不望沙禽迴未驚湘波各深淺空軫念  
歸情

渡青草湖

洞庭春溜滿平湖錦帆張沅水桃花色湘流杜若香穴去茅山  
近江流巫峽長帶天澄迴碧映日動浮光行舟逗遠樹度鳥息

危橋滔滔不可測一葦詎能航

渡岸橋

畫橋長且曲傍險復憑流寫虹晴尚飲圖星晝不收跨波連斷岸接路上危樓欄高荷不及池清影自浮何必橫南渡方復似牽牛

遊始興道館

紫臺高不極清谿千仞餘壇邊逢藥鈔洞裏閱仙書庭舞經乘鶴池遊被控魚稍昏蕙葉斂欲暝槿花疏徒教斧柯爛會自不凌虛

開善寺

三十家詩鈔 卷六 東 空 歷 三  
鷺嶺春光徧王城野望通登臨情不極蕭散趣無窮鶯隨入戶樹花逐下山風棟裏歸雲白窗外落暉紅古石何年臥枯樹幾春空淹畱昔未及幽桂在芳叢

罷故章縣

秩滿三秋暮舟虛一水濱漫漫遵歸道淒淒對別津晨風下散葉歧路起飛塵長岑舊知遠萊蕪本自貧被裏恆容吏正朝不繫民惟當有一犢畱持贈後人

閒居對雨

四溟飛旦雨三徑絕來遊震位雷聲發離宮電影浮山雲遙似帶庭葉近成舟茅檐下亂滴石竇引環流寄言一高士如何麥



不收

其二

蘋藻降靈祇聰明諒在斯觸石朝雲起從星夜月離八川奔巨壑萬頃溢澄波綠野含膏潤青山帶濯枝嘉禾方合穎秀麥已分歧寄語紛紛學持竿詎必知

行經古墓

偃松將古墓年代理當深表柱應堪燭碑書欲金河墳由路毀荒隧受田侵霏霏野霧合昏昏隴日沈懸劔今何在風楊空自吟

和樊晉陵傷妾

三十家詩鈔卷六 陳 陰 四  
畫梁朝日盡芳樹落花辭忽以千金笑長作九泉悲鏡前塵劇粉機上網多絲戶餘雙入燕牀有一空帷名香不可得何見返魂時

和侯司空登樓望鄉

懷土臨霞觀思歸想石門瞻雲望鳥道對柳憶家園寒田穫裏靜野日燒中昏信美今何益傷心自有源

登武昌岸望

遊人試歷覽舊迹已邱墟巴水縈非字楚山斷類書荒城高仞落古柳細條疏煙蕪遂若此當不爲能居

晚出新亭

大江一浩蕩離悲足幾重潮落猶如蓋雲昏不作峯遠戍惟聞  
鼓寒山但見松九十方稱半歸途詎有蹤

晚泊五洲

客行逢日暮結纜晚洲中戍樓因堪一作險村路入江窮水隨

雲度黑山帶日歸紅遙憐一柱觀欲輕千里風

詠得神仙

羅浮銀是殿瀛洲玉作堂朝遊雲暫起夕餌菊恆香聊持履成

燕戲以石爲羊洪厓與松子乘羽就周王

遊巴陵空寺

日宮朝絕磬月殿夕無扉網交雙樹葉輪斷七燈輝香盡奩猶

三十家詩鈔

卷六

陳

陰聲

五

馥幡塵畫漸微借問將何見風氣動天衣

秋閨怨

獨眠雖已慣秋來只自愁火籠恆煖腳行障鎮牀頭眉含黛俱  
斂啼將粉共流誰能無別恨惟守一空樓

南征閨怨

水舊言深征客理難尋獨愁無處道長悲不自禁逢人憎解  
佩從來懶聽音惟當有夜鵲南飛似妾心

侯司空宅詠妓

劉刪  
同賦

佳人徧綺席妙曲動鶻弦樓似陽臺上池如洛水邊鶯啼歌扇  
後花落舞衫前翠柳將斜日俱照晚妝鮮

經豐城劔池

清池自湛澹神劔久遷移無復連星氣空餘似月池夾篠澄深  
深含風結細漪惟有蓮花萼還想匣中雌

西遊咸陽中

阮籍詠懷詩曰西遊咸陽中趙李相經過

上林春色滿咸陽遊俠多城斗疑連漢橋星象跨河影裏看飛  
轂塵前聽遠珂還家何意晚無處不經過

觀釣

澄江息晚浪釣侶柁輕舟經垂遙濺水餌下暗通流歌聲時斷  
續槪影乍橫浮寄言濯纓者滄浪終滯遊

詠石

三十家詩鈔

卷六

陳陰鑑

六

天漢支機罷仙嶺博碁餘零陵舊是燕昆池本學魚雲移蓮勢  
出苔駁錦紋疏還當穀城下別自解兵書

侍宴賦得夾池竹

夾池一叢竹垂

一作青

翠不驚寒葉醞宜城酒皮裁

一作治

辭縣冠

湘川染別淚衡嶺拂仙壇欲見葳蕤色當來兔苑看

為雲中看

雪裏梅花

春近寒雖轉梅舒雪尚飄從風還共落照日不俱消葉開隨足  
影花多助重條今來漸異昨向晚判勝朝

五洲夜發

夜江霧裏闊新月迴中明酒船惟識火驚鳧但聽聲勞者時歌  
榜愁人數問更

詠鶴

依池屢獨舞對影或孤鳴乍動軒墀步時轉入琴聲

徐孝穆五古三十五首

樂府詩集錄者以識之

△驄馬

區一曰驄馬一曰驄馬曲皆言關塞征役之事

白馬號龍駒彫鞍名鏤渠

一作

諸兄二千石小婦字羅敷倚端

輕掃史

一作

召募擊休屠塞外多風雪城中絕詔書空憶長楸

下連蹠復連蹠

△中婦織流黃

三十家詩鈔

卷六

陳

徐陵

七

落花還

一作

井上春機當戶前帶衫行障口覓釧枕檀

一作邊入壇

數鑷經無亂新漿緯易牽蜘蛛夜伴織百舌曉驚眠封用黎陽

土書因計吏船欲知夫婿處今督水衡錢

△出自薊北門行

薊北聊長望黃昏心獨愁燕山對古刹代郡隱

一作倚

城樓屢戰

橋恆斷長冰塹不流天雲如地陣漢月帶胡秋漬土泥函谷接

繩縛涼州平生燕頷相會自得封侯

△隴頭水

通典曰天水郡有大阪名曰隴坻亦曰隴山即漢隴關也三秦記曰其阪九回上者七日乃越上有

清水四注所謂隴頭水也

別塗聳千仞離川懸百丈攢荆夏不通積雪冬難上枝交隴底

暗石礙波前響迴首咸陽中唯言夢時往

△折楊柳

唐書樂志曰梁樂府有胡吹歌云上馬不捉鞭反

北國即鼓角橫吹曲折楊柳是也朱書五行志曰晉太

康末京洛為折楊柳之歌其曲有兵革苦辛之辭按古

樂府又有小折楊柳相和大曲有折楊柳行清

商四曲有月節折楊柳歌十三曲與此不同

苑君登高柳城春還應共見蕩子太無情

△關山月 樂府解題曰關山月傷離別也古木蘭詩曰萬里

相和曲有度

關山度若飛朔氣傳金柝寒光照鐵衣按

關山三五月客子憶秦川思婦高樓上當窗應未眠星旗映疏

勒雲陣上祁連戰氣今如此從軍復幾年

三十家詩鈔

卷六

陳 徐陵

八

△其二

月出柳城東微雲掩復通蒼茫縈白暈蕭瑟帶長風羌兵燒上  
郡胡騎獵雲中將軍擁節起戰士夜鳴弓

△洛陽道

綠柳三春暗紅塵百戲多東門向金馬南陌接銅駝華軒翼葆  
吹飛蓋響鳴珂潘郎車欲滿無奈擲花何

△其二

洛陽馳道上春日起塵埃濯龍望如霧河橋渡似雷聞珂知馬  
蹀傍幟見蕢開相看不語密意眼中來

△長安道



卷歌筵無數塵會經新代故那惡故迎新片月窺花簞輕寒入  
錦巾秋來應瘦盡偏自著腰身

春情

風光今日動雪色故年殘薄夜迎新節當爐卻晚寒奇一作香

分細霧一作石炭擣輕紈竹葉裁衣帶梅花奠酒盤年芳袖裏

出春色黛中安欲知迷下蔡先將過上蘭

奉和詠舞簡文有詠舞詩

十五屬平陽因來入建章主家能教舞城中巧畫妝低鬟向綺

席舉袖拂花黃燭送空迴一作窗邊影衫傳篋裏香當繇好畱客故

作舞衣長

三十家詩鈔

卷六

陳 徐陵

和簡文帝賽漢高帝廟聲偶作徐摛詩彙作庾肩吾竝誤

山宮類牛首漢寢若龍川玉盃無秋耐金燈滅夜煙丹帷迫靈

嶽紺席下羣僊堂虛沛筑響釵低戚舞妍何殊后廟裏子建作

華篇

山齋

桃源驚往客鶴嶠斷來賓復有風雲處蕭條無俗人山寒微有

雪石路本無塵竹徑蒙籠巧茅齋結構新燒香披道記懸鏡厭

山神砌水何年溜檐桐幾度春雲霞一已絕甯辨漢將秦

詠柑藝文初學竝作徐陵詩劉孝綽集載此或誤收也

朱實挺江南苞品擅珍淑上林雜嘉樹江潭閒修竹萬室擬封

侯千株挺荆國綠葉萋以布素榮芬且郁得陳終宴歡良垂雲  
雨育

侍宴

園林才有熱夏淺更深春嫩竹猶含粉初荷未聚塵承恩預下  
席應阮獨何人

奉和山池

簡文有山池詩

羅浮無定所鬱島屢遷移不覺因風雨何時入後池樓臺非一  
勢臨玩自多奇雲生對戶石猿挂入欄枝

山池應令

畫舸圖僊獸飛艫挂采旂榜人事金漿釣女飾銀鈎細萍時帶  
三十家詩鈔

卷六

陳

徐陵

十一

檝低荷乍入舟猿嘯知谷晚蟬咽覺山秋

別毛永嘉

英華作別毛尚書

願子厲風規歸來振羽儀嗟余今老病此別空長離白馬君來  
哭黃泉我詎知徒勞脫寶劍空挂隴頭枝

秋日別庾正員

藝文作張正員

征途愁轉旆連騎慘停鑣朔氣凌疏木江風送上潮青雀離帆  
遠朱鷺別路遙唯有當秋月夜夜上河橋

新亭送別應令

鳳吹臨伊水時駕出河梁野燎村田黑江秋岸荻黃隔城聞上  
鼓迴舟隱去檣神襟愛一作憂遠別流睇極清漳



和王舍人送客未還閨中有望

倡人歌吹罷對鏡覽紅顏拭粉畱花稱除釵作小鬟綺燈停不滅高扉掩未關良人在何處光唯見月還

爲羊克州家人答餉鏡

信來贈寶鏡亭亭似團月鏡久自踰明人久情愈歇取鏡挂空臺于今莫復開不見孤鸞鳥香魂何處來

詠織婦

織織運玉指脈脈正蛾眉振躡開交縷停梭續斷絲檐前初月照洞戶朱帷垂一作未垂帷弄機行掩淚彌令織素遲

內園逐涼

三十家詩鈔

卷六

陳 徐陵

三

昔在北山北今余一作來東海東納涼高樹下直坐落花中狹徑長無迹茅齋本自空提琴就竹篠酌酒勸梧桐

鬪雞

季子聊爲戲陳王欲騁才花冠已衝力芥爪復驚媒鬪鳳羞衣錦雙鸞恥鏡臺陳倉若有信爲覓寶雞來

詠日華

朝暉爛曲池夕照滿西陂復有當晝景江上鑠光儀時從高浪歇乍逐細波移一在雕梁上詎比扶桑枝

詠雪

瓊林元圃葉桂樹日南華豈若天庭瑞輕雪帶風斜三農喜盈

尺六出舞崇花明朝闕門外應見海神車

春日

岸煙起暮色岸水帶斜暉逕狹橫枝度簾搖驚燕飛落花承步履流澗寫行衣何殊九枝葢薄暮洞庭歸

奉和簡文帝山齋

架嶺承金闕飛橋對石梁竹密山齋冷荷開水殿香山花臨舞

席水影照歌牀

闕

本集有烏棲曲二首句皆以非五古未鈔

雜曲一首七言

長相思二首長短

庾子山五古二百二十六首

樂府詩集錄者以△識之

△對酒歌

文苑英華作范雲非

三十家詩鈔

卷六

北周

庾信

三

春水望桃花春洲藉芳杜琴從一作隨綠珠借酒就文君取牽馬

向渭橋日曝

一作落

山頭脯山簡接羅倒王戎如意舞箏鳴金谷

園笛韻平陽塢人生一百年歡笑惟三五何處覓錢刀求爲洛

陽賈

△昭君辭應詔

玉臺作明君詩

斂眉光祿塞還望夫人城片片紅顏落雙雙淚眼生冰河牽馬

渡雪路抱鞍行胡風入骨冷夜月照心明方調琴上曲變入一作

胡笳聲

△王昭君

玉臺作昭君詞

拭曉辭戚里回顧望昭陽鏡失菱花影釵除卻月梁圍腰無一

尺垂淚有千行綠衫承馬汗紅袖拂秋霜別曲真多恨哀絃須更張

△出自薊北門行

薊門還北望役役盡傷情關山連漢月隴水向秦城笳寒蘆葉脆弓凍絃絃鳴梅林能止渴複姓可防兵將軍朝挑戰都護夜巡營燕山猶有石須勒幾人名

△結客少年場行

結客少年場春風滿路香歌撩李都尉果擲潘河陽一作折花遙勸酒就水更移牀今年喜夫婿新拜羽林郎定知劉碧玉偷嫁汝南王

三十家詩鈔

卷六

北周

庾信

十四

△烏夜啼

桂樹懸知遠風竿詎有低獨憐明月夜孤飛猶未栖虎賁誰見惜御史詎相攜雖言入絃管終是曲中嘯

奉和泛江

藝文作王臺卿非

春江下白帝畫舸向黃牛錦纜回沙磧蘭橈避荻洲溼花隨水泛空巢逐樹流建平船梯下荆門戰艦浮岸社多喬木一作羣樹山城足迴樓日落江風靜龍吟迴上游

奉和山池

梁簡文有山池詩

樂宮多暇豫望苑暫迴輿鳴笳絕浪飛蓋歷通渠桂亭花未落桐門葉半疏荷風驚浴鳥橋影聚行魚日落含山氣雲歸帶

雨餘

陪駕幸終南山和宇文內史

玉山乘四載，瑤池宴八龍。龍橋浮少海，鵠蓋上中峯。飛狐橫塞路，白馬當河衝。水奠三川石，山封五樹松。長虹雙瀑布，圓闕兩芙蓉。戍樓鳴夕鼓，山寺響晨鐘。新蒲節轉促，短筍籜猶重。樹宿含櫻鳥，花畱釀蜜蜂。迎風下列缺，灑酒召昌容。且欣陪北上，方欲侍東封。

和宇文內史春日遊山

遊客值春暉，金鞍上翠微。風逆花迎面，山深雲溼衣。雁持一足倚，猿將兩臂飛。戍樓侵嶺路，山村落獵圍。道士封君達，仙人丁令威。煑丹於此地，居然未肯歸。

三十家詩鈔

卷六

北周

庾信

五

遊山

一作遊仙

聊登元圃殿，更上增城山。不知高幾里，低頭看世閒。唱歌雲欲聚，彈琴鶴欲舞。澗底百重花，山根一片雨。婉婉藤倒垂，亭亭松直豎。

和宇文京兆遊田

小苑禁門開，長楊獵客來。懸知畫眉罷，走馬向章臺。澗寒泉反縮，山晴雲倒回。熊飢自舐掌，鴈獨銜枚。美酒餘杭醉，一作芙蓉即奉杯。

奉報寄洛州

舟師會孟津甲子陣東鄰雷轅驚戰鼓劔室動金神幕府風雲  
氣軍門關塞人長旂析烏羽合甲抱犀麟星芒一丈燄日暈七  
重輪黎陽水稍綠官渡柳應春無庸奉天睽驅傳牧南秦繁詞  
勞簡牘雜俗弊風塵上洛逢都尉商山見逸民畱滯終南下唯  
當一史臣

奉報窮秋寄隱士

詩彙作王  
裘詩非

王倪逢嚙缺桀溺偶長沮藜牀負日臥麥隴帶經鋤自然曲木  
几無名科斗書聚花聊飼雀穿池試養魚小村治澁路低田補  
壞渠秋水牽沙落寒藤抱樹疏空枉平原騎來過仲蔚廬

上益州上柱國趙王二首

三十家詩鈔

卷六

北周

庾信

七

銅梁影棠樹石鏡寫襄帷兩江如瀆錦雙峯似畫眉穿荷低晚  
蓋衰柳挂殘絲風流盛儒雅泉湧富文詞無因同子淑暫得侍  
臨淄

寂寞歲陰窮蒼茫雲貌同鶴毛飄亂雪車轂轉飛蓬鴈歸知向  
暖鳥巢解背風寒沙兩岸白獵火一山紅願想懸鶉傲時嗟陋  
巷空

謹贈司寇淮南公

危邦久亂德天策始乘機九河聞誓眾千里見連旂號亡垂棘  
返齊平寶鼎歸久傲風塵俗殊勞關塞衣絆驥還千里垂鵬更  
九飛猶憐馬齒進應念節旄稀迴軒入故里園柳始依依舊竹

侵行徑新桐益幾圍寒谷黎應重秋林栗更肥美酒還參聖雕  
文本入微促歌迎趙瑟遊絃召楚妃小人司刺舉明敷一作實  
濫吹南部治都尉軍謀假建威商山隱土石一作宅丹水鳳凰磯  
野亭長被馬山城早掩扉傳呼擁絳節交戟映彤闈遂令忘楚  
操何但食周薇三十六水變四十九條非丹竈風煙歇年齡蒲  
柳衰同僚敢不盡疇日懼難追

正旦上司憲府

詰旦啟門闌繁辭湧筆端蒼鷹下獄吏獬豸飾刑官司朝引玉  
節盟載捧珠盤窮紀星移次歸餘律未殫雪高三尺厚冰深一  
丈寒短筭猶埋竹香心未起蘭孟門久失路扶搖忽上搏栖烏  
三十家詩鈔 卷六 北周 庾信 七  
還得府棄馬復歸欄榮華名義重虛薄報恩難枚乘還起疾貢  
禹遂彈冠方垂蓮葉劍未用竹根丹一知懸象法誰思垂釣竿

任洛州酬薛文學見贈別

子居河之曲英彥本連蹤鹽形或變虎鼎氣乍成龍若人承載  
德宮牆定數重五衢開辯路四照起文烽曰余濫推轂民願始  
天從上洛分都尉宏農開附庸羊腸連九阪熊耳對雙峯白石  
仙人芋青林隱士松北梁送孫楚西隄別葛龔故人倘書札黎  
陽土足封

將命至鄴

按本傳信在梁爲通直散騎常侍聘于東魏文章辭令甚爲鄴下所稱

大國修聘禮親鄰自此敦張壇事原隰負辰報成言西過犯風

露北指度輶轅交歡值公子展禮覲王孫何以譽嘉樹徒欣賦  
采繁四牢盈折俎三獻滿鬯樽人臣無境外何由欣此言風俗  
既殊阻山河不復論無因旅南館空欲祭西門眷然惟此別夙  
期幸共存

將命至鄴酬祖正員

我皇臨九有聲教洎無隄興文盛禮樂偃武息氓黎承乏驅騏  
驥旌旗事琬珪一作旌旗事鼓鞞古碑文字盡荒城年代迷被隴文瓜  
熟交膾香穗低投瓊實有慰報李更無蹊

入彭城館

襄君前建國項氏昔稜威鴟飛傷楚戰雞鳴悲漢圍一作代

三十家詩鈔

卷六

北周

庾信

大

殊氓俗風雲更盛衰水流浮磬動山喧雙翟飛夏餘花欲盡秋  
近鷺將稀槐庭垂綠穗蓮浦落紅衣徒知日云暮不見舞雲歸

同州還

赤岸繞新村青城臨綺門范睢新入相穰侯始出蕃上林催獵  
響河橋爭渡喧竄雉飛橫澗藏狐入斷原將軍高宴晚來過青  
竹園

從駕觀講武

校戰出長楊兵欄入鬪場置陣橫雲起開營雁翼張門嫌磁石  
礙馬畏鐵菱傷龍淵觸牛斗繁弱駭天狼落星奔驥驟浮雲上  
驪驪急風吹戰鼓高塵擁貝裝駭猿時落木驚鴻屢斷行樹寒

條更直山枯菊轉芳豹略推全勝龍圖揖所長小臣欣寓目還知奉會昌

奉報趙王出師在道賜詩

上將出東平先定下江兵彎弓一作伏石動振鼓沸沙鳴橫海將軍號長風駿馬名雨歇殘虹斷雲歸一雁征暗巖朝石溼空山夜火明低橋澗底渡狹路花中行錦車同建節魚軒異泊營軍中女子氣塞外夫人城小人乖攝養歧路阻逢迎幾月芝田熟何年金竈成哀笳關塞曲嘶馬別離聲王子身爲寶深思不倚衡

和趙王送峽中軍

三十家詩鈔

卷六

北周

庚信

九

樓船聊習戰白羽試撝軍山城對卻月岸陣抵平雲赤虵懸弩影流星抱劔文胡笳遙警夜塞馬暗嘶羣客行明月峽猿聲不可聞

奉和趙王途中五韻

藝文作  
王褒

飄飄映車幕出沒望連旗度雲還翊陣迴風卽送師峽路沙如月山峯石似眉村桃拂紅粉岸柳被青絲錦城遙可望迴鞍念此時

侍從徐國公殿下軍行

八風占陣氣六甲候兵韜置府仍張幕麾軍卽秉旄長旗臨廣武烽火照成皋巡寒重挾纊酌水勝單醪陣後雲逾直兵深星



轉高電燄驅龍馬山精鏤寶刀塞迴翻榆葉關寒落雁毛旣得  
從神武何須念久勞

△同盧記室從軍

樂府作  
從軍行

河圖論陣氣金匱辨星文地中鳴鼓角天下將軍函犀恆七  
屬絡鐵本千羣飛梯聊度絳合弩暫凌汾寇陣先中斷妖營卽  
兩分連烽對嶺度嘶馬隔河聞箭飛如疾雨城崩似壞雲英王  
於此戰何用武安君

伏聞遊獵

虞旗喜旦晴獵馬向山橫石關魚貫上山梁雁翅行雪平尋兔  
迹林藪聽雉聲馬嘶山谷響弓寒桑柘鳴聞弦鳥自落望火獸  
三十家詩鈔

卷六

北周

庾信

三

空驚無風樹卽正不凍水還平誰知茂陵下願入睢陽城

見征客始還遇獵

貳師新受詔長平正凱歸猶言乘戰馬未得解戎衣上林遇逐  
獵宜春塹合圍漢帝熊猶憤秦王雉更飛故人迎借問念舊始  
依依河邊一片石不復肯支機

奉和闡宏二教應詔

五明教已設三元法復開魚山將鶴嶺清梵兩邊來香煙聚爲  
塔花雨積成臺空心論佛性貞氣辨仙才露盤高掌滴風烏平  
翅迴無勞問一作訪待詔自識昆明灰

至老子廟應詔

虛無推馭辨寥廓本乘蜺三門臨苦縣九井對靈谿盛丹須竹  
節量藥用刀圭石似臨邛芋芝如封禪泥毳毛新鷓小盤根古  
樹低野戍孤煙起春山百鳥嘯路有三千別途經七聖迷唯一作  
行當別關吏直向流沙西

奉和趙王遊仙

藏山還採藥有道得從師京兆陳安世成都李意期玉京傳相  
鶴太乙授飛龜白石香新芋青泥美熟芝山精逢照鏡樵客值  
圍棋石紋如碎錦藤苗似亂絲蓬萊在何處漢后欲遙祠

奉和同泰寺浮圖

和梁簡文帝

峇峇凌太清照殿比東京長影臨雙闕高層出九城拱積行雲

三十家詩鈔

卷六

北朝

庚信

三

礙幡搖度鳥驚鳳飛如始泊蓮合似初生輪重對月滿鐸韻擬  
鸞聲畫水流全住圖雲色半輕行一作露晚盤猶滴珠朝火更明  
雖連博望苑還接銀沙城天香下桂殿仙梵入伊笙庶聞八解  
樂方遣六塵清

奉和法筵應詔

五城鄰北極百雉壯西昆鉤陳橫複道閭闔抵靈軒千柱蓮花  
塔由旬紫紺園佛影胡人記經文漢語翻星窺朱鳥牖雲宿鳳  
凰門新禽解雜轉春柳臥生根早雷驚蟄戶流雪長河源建始  
移交讓徽音種合昏風飛扇天辯泉湧屬絲言羈臣從散木無  
以預中天

遙可望終類仰鶖弦

和從駕登雲居寺塔

一作和趙王遊雲居寺

重巒千仞塔危磴九層臺石關恆逆上山梁乍斗迴階下雲峯  
出窗前風洞開隔嶺鐘聲度中天梵響來平時欣侍從於此暫  
徘徊

和何儀同講竟述懷

無名卽講道有動定論機

一作參微

安經讓禮席正業理儒衣似得

遊焉趣能同捨講歸石渠人少歇華陰市暫稀秋雲低晚氣短  
景側餘輝螢排亂草出鴈捨斷蘆飛別有平陵逕蕭條客鬢衰  
飢噪空倉雀寒驚嬾婦機實欣懷諛問逢君理入微諛音小

奉和趙王隱士

王褒同賦

三十家詩鈔

卷六

北周

庾信

三

洛陽徵五隱東都別二賢雲氣浮函谷星光集潁川霸陵採樵

一作徑

成都賣卜錢鹿裘披稍裂藜牀坐欲穿阮籍唯長嘯嵇

康詠一弦澗險無平石山深足細泉短松猶百尺少鶴已千年

野鳥繁弦轉山花燄火然洞風吹戶裏石乳滴窗前雖無亭長  
識終見野人傳

擬詠懷二十七首

步兵未飲酒中散未彈琴索索無真氣昏昏有俗心涸鮒常思

水驚飛

一作羽

每失林風雲能變色松竹且悲吟由來不得意何

必往長岑

赭衣居傅巖垂綸在渭川乘舟能上月飛幟欲捫天誰知志不

就空有直如弦洛陽蘇季子連衡遂不連既無六國印翻思二頃田

俎豆非所習帷幄復無謀不言班定遠應為萬里侯燕客思遼水秦人望隴頭倡家遭強聘質子值仍畱自憐才智盡空傷年鬢秋

楚材稱晉用秦臣即趙冠離宮延子產羈旅接陳完寓衛非所寓安齊獨未安雪泣悲去魯悽然憶相韓唯彼窮途慟知余行路難

惟忠且惟孝為子復為臣一朝人事盡身名不足親吳起嘗辭魏韓非遂入秦壯情已消歇雄圖不復申移住華陰下終為關外人

三十家詩鈔

卷六

北周

庾信

三

疇昔國士遇生平知己恩直言珠可吐甯知炭可一作吞一作顧重尺璧千金輕一言悲傷劉孺子悽愴史皇孫無因同武騎歸守灞陵園

榆關斷音信漢使絕經過胡笳落淚曲羌笛斷腸歌纖腰減束素別淚損橫波恨心終不歇紅顏無復多枯木斯填海青山望斷河

白馬向清波乘冰始渡河置冰須近水移營喜竈多長阪初垂翼鴻溝遂倒戈的顛於此去虞兮柰若河空營衛青冢徒聽田橫歌

北臨玄菟郡南戍朱鳶城共此無期別俱知萬里情昔嘗遊令尹今時事客卿不特貧謝富安知死羨生懷秋獨悲此平生何謂平

悲歌度燕水弭節出陽關李陵從此去荆卿不復還故人形影滅音書兩俱絕遙看塞北雲懸想關一作天山雪遊子河梁上應將蘇武別

搖落秋爲氣淒涼多怨情嗁枯湘水竹竿壞杞梁城天亡遭憤戰日蹙值愁兵直虹朝映壘長星夜落營楚歌饒憾曲南風多死聲眼前一杯酒誰論身後名

周王逢鄭忿楚后值秦冤梯衝已鶴列冀馬忽雲屯武安檐瓦

二十家詩鈔

卷六

北周

庾信

二

振昆陽猛獸奔流星夕照鏡烽火夜燒原古獄饒冤氣空亭多枉魂天道或可問微兮不忍言

橫流邁屯慝上塲結重氛哭市聞妖獸頽山起怪雲綠林多散卒清波有敗軍智士今安用忠臣且未聞惜無萬金產東求滄海君

吉士長爲吉善人終日善大道忽云乖生民隨事蹇有情何可豁忘懷固難遣麟窮季氏置虎振周王圈平生幾種意一旦衝風卷

六國始咆哮縱橫未定交欲競連城玉翻徵縮酒茅析骸猶換子登爨已懸巢壯冰一作水初開地盲風正折膠輕雲飄馬足明

月動弓梢楚師正圍鞏秦兵未下嶠始知千載內無復有申包  
橫石三五片長松一兩株對君俗人眼真興理當無野老披荷  
葉家童掃栗跗竹林千戶封甘橘萬頭奴君見愚公谷真言此  
谷愚

日晚荒城上蒼茫餘落暉都護樓蘭返將軍疏勒歸馬有風塵  
氣人多關塞衣陣雲平不動秋蓬卷欲飛聞道樓船戰今年不  
解圍

尋思萬戶侯中夜忽然愁琴聲徧屋裏書卷滿牀頭雖言夢蝴蝶  
蝶定自非莊周殘月如初月新秋似舊秋露泣連珠下螢飄碎  
火流樂天乃知命何時能不憂

三十家詩鈔

卷六

北周

庚信

五

憤憤天公曉精神殊乏少一郡催曙雞數處驚眠鳥其覺乃于  
于其憂惟悄悄張儀稱行薄管仲稱器小天下有情人居然性  
靈天

在死猶可忍爲辱豈不寬古人持此性遂有不能安其面雖可  
熱其心長自寒匣中取明鏡披圖自照看幸無侵餓理差有犯  
兵欄擁節時驅傳乘亭不據鞍代郡蓬初轉遼陽桑欲乾秋雲  
粉絮結白露水銀團一思探禹穴無用塵皋蘭

倏忽市朝變蒼茫人事非避讒應采葛忘情遂食薇懷愁正搖  
落中心愴有違獨憐生意盡空驚槐樹衰

日色臨平樂風光滿上蘭南國美人去東家棗樹完抱松傷別

鶴向鏡絕孤鸞不言登隴首唯得望長安

鬪麟能食日戰水定驚龍鼓鞞喧七萃風塵亂九重鼎湖去無返蒼梧悲不從徒勞銅雀妓遙望西陵松

無悶無不悶有待何可待昏昏如坐霧漫漫疑行海千年水未清一代人先改昔日東陵侯唯見瓜園在

懷抱獨惛惛平生何所論由來千種意竝是桃花源穀皮兩書帙壺盧一酒樽自知費天下也復何足言

蕭條亭障遠悽慘風塵多關門臨白狄城影入黃河秋風別蘇武寒水送荆軻誰言氣蓋世晨起帳中歌

被甲陽雲臺重雲久未開雞鳴楚地盡鶴唳秦軍來羅梁猶下

三十家詩鈔

卷六

北周

庚信

美

碯楊排久飛灰出門車軸折吾王不復回

和張侍中述懷

陽窮乃悔吝世季誠屯剝奔河絕地維折柱傾天角成羣海水飛如雨天星落負鍤遂移山藏舟終去壑生民忽已魚君子徒爲鶴疇昔逢知己生平荷恩渥故組竟無聞程嬰空寂寞永嘉獨流寓中原惟鼎鑊道險臥輓轡身危累素殼漂流從木梗風卷隨秋籜張翰不歸吳陸機猶在洛漢陽錢遂盡長安米空索時占季主龜乍販韓康藥伏轅終入絆垂翅猶離繳徒懷琬琰心空守黃金諾號鄒終無寄齊秦竟何託大夫唯閔周君子常思毫寂寥共羈旅蕭條同負郭農談止穀稼野膳唯藜藿操樂

楚琴悲

一作澁

忘憂魯酒薄渭濱觀坐釣谷口看秋穫唯有邱明

恥無復榮期樂夷則火星流天根秋水涸冬巖日不暖歲晚風  
多朔楊浮有怪雲細凌聞災雹木皮三寸厚涇泥五斗濁雖忻  
曲轅樹猶懼雕陵鵠生涯實有始天道終虛橐且悅善人交無  
疑朋友數何時得雲雨復見翔寥廓

奉和示內人

然香鬱金屋吹管鳳凰臺春朝迎雨去秋夜隔河來聽歌雲卽  
斷聞琴鶴倒回春窗刻鳳下寒壁畫花開定卽流霞氣時添承  
露杯

奉和趙王美人春日

三十家詩鈔

卷六

北周

庚信

七

直將劉碧玉來過陰麗華祇言滿屋裏竝作一園花新藤亂上  
格春水漫吹沙步搖釵梁動紅輸被一作角斜今年逐春去先  
向石崇家

奉和趙王春日

城傍金谷苑園裏鳳凰池細管調歌曲長杉教舞兒向人長曼  
臉由來薄面皮梅花絕解作樹葉本能吹香煙龍口出蓮子帳  
心垂莫畏無春酒須花但見隨

夢入堂內

雕梁舊刻杏香壁本泥椒幔繩金麥穗簾鉤銀蒜條畫眉千度  
拭梳頭百遍撩小衫裁裏臂纏絃掐抱腰日光釵篸動窗影鏡



花搖歌曲風吹韻笙簧火炙調卽今須戲去誰復待明朝

和詠舞

洞房花燭明燕餘雙舞輕頓履隨疏節低鬟逐上聲步移行初  
進衫飄曲未成鸞迴鏡欲滿鶴顧市應傾已曾天上學詎是世  
中生

夜聽搗衣

秋夜搗衣聲飛度長門城今夜長門月應如晝日明小鬟宜粟  
瑱圓腰運織成秋砧調急節亂杵變新聲石燥砧逾響桐虛杵  
絕鳴鳴石出華陰虛桐採鳳林北堂細腰杵南市女郎砧擊節  
無勞鼓調聲不用琴竝結連枝縷雙穿長命鍼倡樓驚別怨正

三十家詩鈔

卷六

北明

曠信

三

客動愁心同心竹葉椀雙去雙來滿裙裾不柰長衫袖偏宜短  
龍文鏤剪刀鳳翼纏簪管風流響和韻哀怨聲悽斷新聲繞夜  
風嬌轉滿空中應聞長樂殿判徹昭陽宮花鬢醉眼纈龍子細  
文紅溼摺通夕露吹衣一夜風玉階風轉急長城雪應闌新綬  
始欲縫細錦行須纂聲煩廣陵散杵急漁陽摻新月動金波秋  
雲泛濫過誰憐征戍客今夜在交河相陽一作離別賦臨江愁  
思歌復今悲此曲紅顏餘幾多

預麟趾殿校書和劉儀同

止戈興禮樂修文盛典謨壁開金石豪河浮雲霧圖芸香上延  
閣碑石向鴻都誦書徵博士明經拜大夫璧池寒水落學市舊

槐疏高譚變白馬雄辯塞飛狐月落將軍樹風驚御史烏子雲  
猶汗簡溫舒正削蒲連雲雖有閣終欲想江湖

和宇文內史入重陽閣

北原風雨散南宮容衛疏待詔還金馬儒林歸石渠徒懸仁壽  
鏡空聚茂陵書竹淚垂秋筍蓮衣落夏集作葉顧成始移廟陽  
陵正徙居舊蘭樵悴長殘花爛漫舒別有昭陽殿長悲故一作班

婕妤

忝在司水看治渭橋

大夫參下位司職渭之陽富平移鐵鎖一作甘泉運石梁跨虹

連絕岸浮黿續斷航春洲鸚鵡色流水桃花香星精逢漢帝釣

三十家詩鈔

卷六

北周

旃信

元

叟值周王平隄石岸直高堰柳陰長言羨杜元凱河橋獨舉觴

北園新齋成應趙王教

虹粉歧鳥翼山節拱蘭枝畫梁雲氣繞雕窗玉女窺月懸唯返

照蓮開長倒垂盤根紐壞石行雨暴澆池長藤連格徙高樹帶

巢移烏聲唯雜曲花風直亂吹白虎題書觀玄熊帖射皮文弦

入舞曲月扇掩歌兒玉節調笙管金船代酒卮若論曹子建天

人本共知

同會河陽公新造山池聊得寓目

橫階仍鑿澗對戶卽連峯暗石疑藏虎盤根似臥龍沙舟聚亂

荻洞口礙橫松引泉恆數派開巖卽十重北閣聞吹管南鄰聽

擊鐘菊黃花正合杯香酒絕濃由來魏公子今日始相逢

登州中新閣

跨虛凌倒景連雲詎少陽璇極龍鱗上雕甍鵬翅張千尋文杏  
照十里木蘭香開窗對高掌平坐望河梁歌響聞長樂鐘聲徹  
建章賦用王延壽書須韋仲將龍來隨畫壁鳳起逐吹簧石作  
芙蓉影池如明鏡光花梁反披葉蓮井倒垂房從然思燕賀無  
以預鷓鴣

歲晚出橫門

年華改歲陰遊客喜登臨據鞍垂玉帖橫腰帶錦心冰弱浮橋  
沒沙虛馬迹深倚弓依石岸回牀向柳陰智瓊來勸酒文君過  
三十家詩鈔

卷六

北周

庾信

三

聽琴明朝雲雨散何處更相尋

北園射堂新成

軒臺聊可習仙的不難登轉箭初調箬橫弓先望朔驚心一鴈  
落連臂兩猿騰直知王濟巧誰覺魏舒能空心不死樹無葉未  
枯藤擇賢方至此傳厄欣得朋

園庭

杖鄉從物外養學事閑郊窮愁方汗簡無遇始觀爻谷寒已吹  
律檐空更翦茆樵隱恆同路人禽或對巢水蒲開晚結風竹解  
寒苞古槐時變火枯楓乍落膠倒屣迎懸榻停琴聽解嘲香螺  
酌美酒枯蚌藉蘭殺飛魚時逐釣翳雉屢懸庖但使相知厚當

能來結交

歸田

務農勤九穀歸來嘉一廛  
穿渠移水碓燒棘起山田  
樹陰逢歇馬魚潭見酒船  
苦李無人摘秋瓜不直錢  
社雞新欲伏原蠶始更眠  
今日張平子翻爲人所憐

寒園卽目

寒園星散居搖落小村墟  
遊仙半壁畫隱士一牀書  
子月泉心動陽爻地氣舒  
雪花深數尺冰牀厚尺餘  
蒼鷹斜望雉白鷺下看魚  
更想東都外羣公別二疏

幽居值春

三十家詩鈔

卷六

北周

庾信

三

山人久陸沈幽逕忽春臨  
泐渠移水碓開園掃竹林  
欹橋久半斷崩岸始邪侵  
短歌吹細笛低聲泛古琴  
錢刀不相及耕種且須深  
長門一紙賦何處覓黃金

臥疾窮愁

危慮風霜積窮愁歲月侵  
畱蛇常疾首映弩屢驚心  
稚川求藥錄君平問卜林  
野老時相訪山僧或見尋  
有菊翻無酒無絃則有琴  
詎知長抱膝獨爲梁父吟

山齋

寂寥尋靜室蒙密就山齋  
滴瀝泉澆路穹窿石臥階  
淺槎全不動盤根唯半埋  
圓珠墜晚菊細火落空槐  
直置風雲慘彌憐心

事乖

望野

試策千金馬來登五丈原有城仍舊縣無樹即新村水向蘭池  
泊日斜細柳園澗渚通沙路寒渠塞水門但得風雲賞何須人  
事論

蒙賜酒

金膏下帝臺玉歷在蓬萊仙人一遇飲分得兩三杯忽聞桑葉  
落正值菊花開阮籍披衣進王戎含笑來從今覓仙藥不假向  
瑤臺

奉報趙王惠酒

一作奉報賜酒

三十家詩鈔

卷六

北周

庾信

三

梁王修竹園冠蓋風塵喧行人忽枉道直進桃花源穉子還羞  
出驚妻倒閉門始聞傳上命定是賜中樽野鑪然樹葉山杯捧  
竹根風池還更煖寒谷遂長暄未知稻梁雁何時能報恩

有喜致醉

忽見庭生玉聊欣蚌出珠蘭芬猶載寢蓬箭始懸弧既喜枚都  
尉能歡陵大夫頻朝中散客連日步兵廚雜曲隨琴用殘花聽  
酒須脆梨裁數實甘查唯一株兀然已復醉搖頭歌鳳雛

喜晴應詔

勅自疏韻

御辨誠騰錄維皇稱有建雷澤昔經漁負夏時從取柏梁驂駟  
馬高陵馳六傳有序屬賓連無私表平憲河隄崩故柳秋水高

新堰心齋愍昏墊樂徹憐胥怨禪河秉高論法輪開勝辯王城  
水鬪息洛浦河圖獻伏泉還習坎歸風已回巽桐枝長舊圍蒲  
節抽新寸山藪欣藏疾幽棲得無悶有慶兆民同論年天子萬  
巽音旋寸音斷悶  
音慢皆古韻也

同顏大夫初晴

夕陽含水氣反景照河隄溼花飛未遠陰雲斂向低燕燥還爲  
石龍殘更是泥香泉酌冷澗小艇釣蓮溪但使心齊物何愁物  
不齊

奉和趙王喜雨

玄霓臨日谷封蟻對雲臺投壺欲起電倚柱稍驚雷白沙如溼  
三十家詩鈔 卷六 北周 庾信  
粉蓮花類洗杯驚鳥灑翼度溼鴈斷行來浮橋七星起高堰六  
門開猶言祀蜀帝卽似望荆臺厥田終上上原野自莓莓

和李司錄喜雨

純陽實久亢雲漢乃昭回臨河沈璧玉夾道畫龍媒離光初繞  
電震氣始乘雷海童還碣石神女向陽臺雲逐魚鱗起渠隨龍  
骨開崩沙雜水去臥樹擁槎來嘉苗雙合穎熟稻再含胎屬此  
欣膏露逢君摛掞才愧乏瓊將玖無酬美且偲

郊行值雪

風雲俱慘慘原野共茫茫雪花開六出冰珠映九光還如驅玉  
馬暫似獵銀獐陣雲全不動寒山無物香辭君一狐白唐侯兩

驢驢寒關日欲暮披雪渡河梁

奉和趙王西京路春日

直城龍首抗橫橋天漢分風烏疑近日露掌定高雲新渠還入  
渭舊鼎更開汾漢獵熊攀檻秦田雉失羣宜年動春律御宿斂  
寒氛弄玉迎蕭史東方覓細君楊柳成歌曲蒲桃學繡文鳥鳴  
還獨解花開先自薰誰知灞陵下猶有故將軍

奉和夏日應令

朱簾捲麗日翠幕蔽重陽五月炎蒸氣三時刻漏長麥隨風裏  
熟梅逐雨中黃開冰帶井水和粉雜生香杉含蕉葉氣扇動竹  
花涼早菱生軟角初蓮開細房願陪仙鶴舉洛浦聽笙簧

三十家詩鈔

卷六

北周

庚信

三

和樂儀同苦熱

樂府作苦熱行

火井沈熒散炎洲高燄通鞭石未成雨鳴鳶不起風思爲鸞翼  
扇願借明光宮臨淄迎子禮中散就安豐美酒含蘭氣甘瓜開  
蜜筒寂寥人事屏還得隱牆東

和裴儀同秋日

蕭條依白社寂寞似東皋學異南宮敬貧同北郭騷蒙吏觀秋  
水萊妻紡落毛旅人嗟歲暮田家厭作勞霜天林木燥秋氣風  
雲高栖遑終不定方欲涕沾袍

詠園花

暫往春園傍聊過看果行枝繁類金谷花雜映河陽自紅無假

染眞白不須妝燕送歸菱井蜂銜上蜜房非是金鑪氣何關柏  
殿香裊衣偏定好應持奉魏王

西門豹廟

君子爲利博達人樹德深蘋藻由斯薦樵蘇幸未侵恭聞正臣

一作直祀良識佩韋心容範雖年代徽猷若可尋菊花隨酒馥槐

影向窗臨鶴飛疑逐舞魚驚似聽琴漳流鳴磴石銅雀影秋林

和王少保遙傷周處士

冥漠爾遊岱悽涼余向秦雖言異生死同是不歸人昔余仕冠  
蓋值子避風塵望氣求真隱伺關待逸民忽聞泉石友芝桂不  
防身悵然張仲蔚悲哉鄭子眞三山猶有鶴五柳更應春遂令

三十一家詩鈔

卷六

北周

庾信

三五

從渭水投釣往江濱

傷王司徒褒

昔聞王子晉輕舉逐神仙謂言君積善還得嗣前賢四海皆流

寓非爲獨播遷豈意中台坼君當風燭前自君鐘鼎族江東集

南三百年寶刀仍世載琬戈本舊傳綠紱紆槐綬黃金飾侍蟬

地建忠臣國家開孝子泉自能枯木潤足得流水圓以君承祖

武諸侯無閒然青衿已對日童子卽論天穎陰珠玉麗河陽脂

粉妍名高六國共價重十城連辯足觀秋水文堪題馬鞭迴鸞

抱書字別鶴繞琴絃擁旄裁甸服垂帷非被邊靜亭空繫馬閑

烽直起煙不廢披書案無妨坐釣船茂陵忽多病淮陽實未痊



侍醫逾默默神理遂綿綿永別張平子長理王仲宣柏谷移松  
樹陽陵買墓田陝路秋風起寒堂已颯焉邱楊一搖落山火卽  
時然昔爲人所羨今爲人所憐世途旦復旦人情玄又玄故人  
傷此別畱憾滿秦川定名於此定全德以斯全唯有山陽笛悽  
余思舊篇

仰和何僕射還宅懷故

紫閣旦朝罷中臺夕奏稀無復千金笑徒勞五日歸步檐朝未  
掃蘭房晝掩扉蒼生理由處網積迴文機故瑟餘絃斷歌梁秋  
雁飛朝雲雖可望夜帳定難依願憑甘露入方假慧燈輝甯知  
洛城晚還淚獨沾衣

三十家詩鈔

卷六

北周

庾信

三

送冥法師葬

龍泉今日掩石洞卽時封玉匣摧談柄懸河落辯鋒香鑪猶是  
柏塵尾更成松郭門未十里山迴已數重尙聞香閣梵猶聽竹  
林鐘送客風塵擁寒郊霜露濃性靈如不滅神理定何從

和人日晚景宴昆明池

春餘一作春足光景趙李舊經過上林柳腰細新豐酒徑多小船  
行釣鯉新盤待摘荷蘭皋徒稅駕何處有淩波

對宴齊使

歸軒下賓館送蓋出河隄酒正離杯促歌工別曲悽林寒木皮  
厚沙迴鴈飛低故人倘相訪知余已執珪

聘齋秋晚館中飲酒

欣茲河朔飲對此洛陽才殘秋欲屏扇餘菊尚浮盃漳流鳴二水日色下三臺無因侍清夜同此月徘徊

奉和濬池初成清晨臨泛

千金高堰合百頃浚源開翻逢積翠一作草浪更識昆明灰猿嘯風還急雞鳴潮即來時看青雀舫遙逐桂舟一作洲迴

秋冥法師遊昆明池二首

遊客重相懽連鑣出上蘭值泉傾蓋飲逢花駐馬看平湖泛玉舳高堰歇金鞍半道聞荷氣中流覺水寒

秋光麗晚天鷓舸泛中川密菱障浴鳥高荷沒釣船碎珠縈斷

菊殘絲繞折蓮落花催斗酒栖烏送一絃

見遊春人

長安有狹斜金穴盛豪華連杯勸上馬亂菓擲行車深紅蓮子豔細錦鳳凰花那能學喫酒無處似欒巴

別周尚書宏正一作別周處士宏正

扶風石橋北函谷故關前此中一分手相逢知幾年黃鵠一反顧徘徊應愴然自知悲不已徒勞減瑟絃

別張洗馬樞

別席慘無言離悲兩相顧君登蘇武橋我見楊朱路關山負雪行河水乘冰渡願子著朱鳶知余在玄菟

別庾七入蜀

峻嶺拂陽烏長城連蜀都石銘懸劍壁沙洲聚陣圖山長半股斷樹古半心枯由來兄弟別共念一荊株

將命使北始度瓜步江

校尉始辭國樓船欲渡河輜軒臨磧岸旌節映江沱觀濤想帷蓋爭長憶干戈雖同燕市泣猶聽趙津歌

反命河朔始入武州

輕車初逐李定遠未隨班受詔祈連返申威疏勒還飛蓬損腰帶秋鬢落容顏寄言舊相識知余生入關

冬狩行四韻連句應詔

三十家詩鈔

卷六

北周

庾信

三

三川羽檄遲六郡良家選觀兵細柳城校獵長楊苑驚雉逐鷹飛騰猿看箭轉鳴笳河曲還猶憶南皮返

和王內史從駕狩

冬狩出離宮還過獵武功澗橫偏礙馬山虛絕響弓更羸承落雁韓盧鬪螫熊猶開三面網誰有一山重

入道士館

金華開八景玉洞上三危雲袍白鶴度風管鳳凰吹野衣縫蕙葉山中簾聲筍皮何必淮南館淹畱攀桂枝

奉和永豐殿下言志十首

立德齊今古資仁一毀譽無機抱甕汲有道帶經鋤處下唯名

惠能言本姓蘧未論驚寵辱安知係慘舒

王子從邊服臨邛惜第如星橋擁冠蓋錦水照簪裾論文報潘岳詠史答應璩帳幕參三顧風流盛七輿

茫茫實宇宙與善定馮虛大夫傷魯道君子念殷墟程卿既開國安平遂徙居詎能從小隱終然遊太初

直城風日美平陵雲霧除來往金張館絃歌許史閭鳳臺迎弄玉河陽送婕妤好五馬遙相問雙童來夾車

託情忻六學遊目愛三餘覆局能懸記看碑解暗疏詎嘗遊魏冉那時說范睢池水朝含墨流螢夜聚書

與雲榆莢晚燒薤杏花初泚池侵黍稷谷水播菑畲六月蟬鳴三十家詩鈔

卷六

北周

庾信

无

稻千金龍骨渠含風搖古度防露動林於

古度樹名見吳都賦林於竹名越女試劍

竹也見戴慶豫竹譜又曰上密防露下疏來風

自憐循短綆方欲問長沮茂陵體猶瘠淮陽疾未祛翻疑承毒水忽似遇昌菹漢陽嗟欲盡咎繇懼忽諸

弱齡參顧問疇昔濫吹噓綠槐垂學市長楊映直盧連盟翻滅鄭仁義反忘徐還思建鄴水終憶武昌魚

崩隄壓故柳衰社臥寒樗野鶴能自獵江鷗解獨漁漢陰逢荷篠緇林見杖屨阮籍長思酒嵇康懶著書

披林求木實拂雪就園蔬濁醪非鶴髓蘭肴異蟹蛆一作野情風月曠山心人事疏徒知守甌甕空欲報璠璵

率爾成詠

昔日謝安石求爲淮海人彷彿新亭岸猶言洛水濱南冠今別楚荆玉遂遊秦儻使如楊僕甯爲關外人

慨然成詠

新春光景麗遊子離別情交讓未全死梧桐唯半生值熱花無氣逢風水不平寶雞雖有祀何時能更鳴

奉和賜曹美人

月光如粉白秋露似珠圓絡緯無機織流螢帶火寒何年迎弄玉今朝得夢蘭訝許能含笑芙蓉宜熟看

和趙王看伎

三十家詩鈔

卷六

北周

庚信

四

綠珠歌扇薄飛燕舞衫長琴曲隨流水簫聲逐鳳凰細縷纏鐘格圓花釘鼓牀一作膺風蟬鬢懸知曲不誤無事畏一作顧周郎

奉答賜酒

仙童下赤城仙酒餉王平野人相就飲山鳥一羣驚細雪翻沙下寒風戰鼓鳴此時逢一醉應枯反更榮

奉答賜酒鵝

雲光偏亂眼風聲特噤心冷猿披雪嘯寒魚抱凍沈今朝一壺酒實是勝千金負恩無以謝惟知就竹林

正旦蒙趙王賚酒

正旦辟惡酒新年長命杯柏葉隨銘至椒花逐頰來流星向椀

落浮蟻對春開成都已救火蜀使何時迴

衛王贈桑落酒奉答

愁人坐狹斜喜得送流霞  
跂窗催酒熟停杯待菊花  
霜風亂飄葉寒水細澄沙  
高陽今日晚應有接羅斜

蒲州刺史中山公許乞酒一車未送

細柳望蒲臺長河始一迴  
秋桑幾過落春蟻未曾開  
瑩角非難馭搥輪稍可催  
只言千日飲舊逐中山來

答王司空餉酒

藝文作答  
王褒餉酒

今日小園中桃花數樹紅  
開君一壺酒細酌對春風  
未能扶畢卓猶足舞王戎  
仙人一捧露判不及杯中

三十家詩鈔

卷六

北周

庾信

四

舟中望月

舟子夜離家開船望月華  
山明疑有雪岸白不關沙  
天漢看珠蚌星橋視桂花  
灰飛重暈闕莫落獨輪斜

望月

夜光流未曙金波影尚餘  
照人非七子含風異九華  
莫新半壁上桂滿獨輪斜  
乘舟聊可望無假逐仙一作靈槎

對雨

繁雲猶暗嶺積雨未開庭  
階含侵角路鑊滿漚疏萍  
溼楊生細堪爛草變初螢  
徒勞看蟻封無事祀靈星

喜晴

比日思光景今朝始暫逢  
雨住便生熱雲晴卽作峯  
水白澄還淺花紅燥更濃  
已歡無石燕彌欲棄泥龍

詠春近餘雪應詔

送寒開小苑迎春入上林  
絲條變柳色香氣動蘭心  
待花將作

思對酒畱雪擬彈琴陪遊愧  
竝作空見奉恩深

奉和初秋

落星初伏火秋霜正動鐘  
北閣連橫漢南宮應鑿龍  
祥鸞棲竹實靈蔡上芙蓉  
自有南風曲還來吹九重

晚秋

淒清臨晚景疏索望寒階  
溼庭凝墜露搏風卷落槐  
日氣斜還

三十家詩鈔

卷六

北周

庾信

望

冷雲峯晚更霾可憐數行鴈  
點點遠空排

和穎川公秋夜

初學作上官儀非

沈寥空色遠葉黃淒序變  
洞浦落遵鴻長飈送巢燕  
千秋流夕景百籟含宵嘒  
峻雉聆金柝曾臺切銀箭

詠畫屏風詩二十五首

俠客重連鑣金鞍被桂條  
細塵鄣路起驚花亂眼飄  
酒醺人半醉汗溼馬全驕  
歸鞍畏日晚爭路上河橋

浮橋翠蓋擁平旦雍門開  
石崇迎客至山濤載妓來  
水紋恆獨

轉風花直亂迴誰能惜紅  
袖甯一作用捧金杯

停車小苑外下渚長橋前  
澁菱迎擁楫平荷直蓋船  
殘絲繞折

藕葉映低蓮遙望芙蓉影只言水底然

昨夜烏聲春驚鳴動四鄰今朝梅樹下定有詠花人流星浮酒  
泛粟瑱繞杯脣何勞一片雨喚作陽臺神

逍遙遊桂苑寂絕到藝文作想桃源狹石分花徑長橋映水門管聲

驚百鳥人衣香一園定知歡未足橫琴坐石根

三春冠蓋聚八節管絃遊石險松橫植巖懸澗豎流小橋飛斷  
岸高花出迴樓定須催十酒將來宴五侯

高閣千尋起長廊四注連歌聲上肩月舞影入琴絃澗水纔窗  
外山花卽眼前但願長歡樂從今盡百年

日晚金槌絡一作路朱軒流水車轆拂緣隄柳蕘飄夾路花定迎

三十家詩鈔

卷六

北周

庾信

聖

劉碧玉將過陰麗華非是高陽路莫畏接羅斜

徘徊出桂苑徙倚就花林下橋先勸酒跂石始調琴蒲低猶抱

節竹短未空心絕愛猿聲近唯憐花徑深

千尋木蘭館百尺芙蓉堂日落低蓮井行雲礙菱梁流水桃花  
色春洲杜若香就階猶不進催來上伎牀

搗衣明月下靜夜秋風飄錦石平礎面蓮房接杵腰急節迎秋  
韻新聲入手調寒衣須及早將寄霍嫫媯

出沒看樓殿閒關望綺羅翔禽逐節舞流水赴絃歌細管吹藜  
竹新杯卷半荷南宮冠蓋下日暮風塵多

玉柙珠簾捲金鈎翠幔懸荷香薰水殿閣影入池蓮平沙臨浦



口高柳對樓前上橋還倚望遙看採菱船

高閣千尋跨重檐百丈齊雲度三分近花飛一倍低吹簫迎白鶴照鏡舞山雞何勞愁日暮未有夜烏嗁

河流值淺岸斂轡暫經過弓衣溼濺水馬足亂橫波半城斜出樹長林直枕河今朝遊俠客不畏風塵多

度橋猶徙倚坐石未傾壺淺草開長埒行營繞細廚沙洲兩鶴迴石路一松孤自可尋丹竈何勞憶酒壚

上林春逕密浮橋柳路長龍媒逐細草鶴顰映垂楊水似桃花色山如甲煎香白石春一作清泉上誰能待月光

白石春泉滿黃金新埒開戚里車先度蘭池馬卽來落花承舞

三十家詩鈔

卷六

北周

庾信

詩

席春衫拭酒杯行廚半路待載伎一雙迴

將軍息邊務校尉罷從戎池臺臨戚里絃管入新豐浮雲隨走馬明月逐彎弓比來多射獵唯有上林中

三危入鳳翼九阪度龍鱗路高山裏樹雲低馬上人懸巖泉酒響深谷鳥聲春住馬來相問應知有姓秦

聊開鬱金屋暫對芙蓉池水光連岸動花風合樹吹春杯猶雜泛細果尚連枝不畏歌聲盡先看箏柱欵

洞靈開靜室雲氣滿山齋古松栽數樹盤根無半埋愛靜魚爭樂依人鳥入懷仲春徵隱士蒲輪上計偕

今朝好風日園苑足芳菲竹動蟬爭散蓮搖魚暫飛面紅新著

酒風晚細吹衣跂石多時望蓮船始復歸

金鞍聚磧岸玉舳泛中流畫鷁先防水媒龍卽負舟沙城疑海

氣石岸似江樓崩槎時半沒壞舸或空浮定是汾河上戈船聊

試遊

竟日坐春臺芙蓉承酒杯水流平澗下山花滿谷開行雲數番

過白鶴一雙來水影搖蕩竹林香動落梅直上山頭路羊腸能

幾迴

鏡

玉匣聊開鏡輕灰暫拭塵光如一片水影照兩邊人月生無有

桂花開不逐春試挂淮南竹堪能見四鄰

三十家詩鈔

卷六

北周

庾信

望

梅花

常年臘月半已覺梅花闌不信今春晚俱來雪裏看樹動懸冰

落枝高出手寒早知覓不見真悔著衣單

詠樹

交柯乍百頃擢本或千尋楓子畱爲式桐孫待作琴殘核移桃

種空花植棗林幽居對蒙密蹊徑轉深沈

寄徐陵

故人儻思我及此平生時莫待山陽路空聞吹笛悲

寄王琳

玉關道路遠金陵信使疏獨下千行淚開君萬里書

奉和趙王

花徑日相攜花林鳥未棲比看中郎醉堪聞烏夜啼

和劉儀同臻

南登廣陵岸迴首落星城不言臨舊浦烽火照江明

和庾四

離關一長望別恨幾重愁無妨對春日懷抱只言秋

和侃法師三絕

一作和侃法師別詩

秦關望楚路灞岸想江潭幾人應落淚看君馬向南

其二

客遊經歲月躡旅故情多近學衡陽雁秋分俱渡河

三十家詩鈔

卷六

北周

庾信

吳

其三

迴首河隄望眷眷嗟離絕誰言舊國人到在他鄉別

送周尚書宏正

交河望合浦玄菟想朱鳶共此無期別知應復幾年

其二

離期定已促別淚轉無從惟愁郭門外應足數株松

重別周尚書

陽關萬里道不見一人歸惟有河邊鴈秋來南向飛

其二

河橋兩岸絕橫岐數路分山川遙不見懷袖遠相聞

行途賦得四更應詔

四更天欲曙落月垂關下深谷暗藏人欹松橫礙馬

△和江中賈客

樂府作賈客詞

五兩開船頭長橋發新浦懸知岸上人遙振江中鼓

奉和平鄴應詔

天策引神兵風飛掃鄴城陣雲千里散黃河一代清

送衛王南征

望水初橫陣移營寇未降風塵馬足起先暗廣陵江

仙山

金竈新和藥銀臺舊聚神相看但莫怯先師應識人

三十家詩鈔

卷六

北周

煥信

晁

其二

石軟如香飴鉛銷似熟銀蓬萊暫近別海水遂成塵

山齋

石影橫臨水山雲半繞峯遙想山中店懸知春酒濃

野步

值泉仍飲馬逢花卽舉杯稍看城闕遠轉見風雲來

山中

澗暗泉偏冷巖深桂絕香住中能不去非獨淮南王

閨怨

明鏡圓花發空房故怨多幾年畱織女還應聽渡河

和趙王看妓

長思浣紗石空想

一作定憶

搗衣砧臨邛若有便

一作使

為說解琴心

看舞

鸞迴不假學鳳舉自相關到嫌衫袖廣恆長礙舉鬢

聽歌一絕

協律新教罷河陽始學歸但令聞一曲餘聲三日飛

暮秋野興賦得傾壺酒

劉伶正捉酒中散欲彈琴但使逢秋菊何須就竹林

對酒

數杯還已醉風雲

一作春風

不復知唯有龍吟笛桓伊能獨吹

三十家詩鈔

卷六

北朝

庚信

吳

春日極飲

檻前聞鳥囀園裏對花開就中言不醉細袖捧金杯

春望

春望上春臺春窗四面開落花何假拂風吹會竝來

新月

鄭環唯半出秦鉤本獨懸若交臨酒影堪言照弩弦

秋日

蒼茫望落景羈旅對窮秋賴有南園菊殘花足解愁

望渭水

樹似新亭岸沙如龍尾灣猶言吟暝浦應有落帆還

塵鏡

明鏡如明月恆常置匣中何須照兩鬢終是一秋蓬

和淮南公聽琴聞絃斷

嗣宗看月夜中散對行雲一絃雖獨韻猶足動文君

弄琴

雉飛催晚別烏唬驚夜眠若交新曲變惟須促一絃

其二

不見石城樂惟聞烏噪林新聲逐絃轉應得動春心

詠羽扇

搖風碎朝翻拂汗落毛衣定似回谿路將軍垂翅歸

三十家詩鈔

卷六

北周

煥信

見

題結綫袋子

交絲結龍鳳鏤彩織雲霞一寸同心縷千年長命花

賦得鸞臺

九成吹玉瑄百尺上瑤臺能將秦女去終是鳳凰來

賦得集池雁

逢風時迴度逐侶乍爭飛猶憶方塘水今秋已復歸

詠雁

初學作周宏正非

南思洞庭水北想雁門關稻梁俱可戀飛去復飛還

忽見檳榔

綠房千子熟紫穗集作穗百花開莫言行萬里曾經相識來

移樹

酒泉移赤柰河陽徙石榴雖言有千樹何處似封侯

奉梨

接枝秋轉脆含情落更香擎置仙人掌應添瑞露漿

傷往

見月長垂淚看花定斂眉從今一別後知作幾年悲

其二

鏡塵言苦厚蟲絲定幾重還是臨窗月今秋迴照松

春日離合二首

秦青初變曲未有逐琴心明年花樹下月月來相尋

春字

三十家詩鈔

卷六

北明

庚信

五

其二

田家足閒暇士友暫流連三春竹葉酒一曲鷓鴣弦

日字

和湘東王後園迴文

早蓮生竭鑊嫩菊養秋鄰滿池畱浴鳥分橋上戲人

本集有周祀園邱歌十二首雜言周祀方澤歌四首四言

周祀五帝歌十二首雜言周宗廟歌十二首雜言周

大禘歌二首四言周五聲調曲二十四首長短句怨歌

行一首楊柳歌一首均六言烏夜啼一首燕歌行一

首七言以非五古未鈔外五古中有道士步虛詞十首就

蒲州使君乞酒一首關雎一首應令一首杏花一首

見一首集周公處連句一首贈別一首徐報使來止得一相

首皆未選賦得荷一首問疾封中錄一首示封中錄二

三十家詩鈔卷六

終

善化黃維申校

三十家爵里攷

魏

曹植

字子建魏武帝子文帝即位母弟也建安十六年封平原侯尋徙封臨菑城二年立為鄆城王四年徙封雍邱明帝

太和元年改封鄆城三年復還雍邱徙東阿六年加封

陳王薨年四十一諡曰思。詩品曰植詩源出於國風骨

羣嗟呼陳思之於文章也譬人倫之有周孔鱗羽之有龍

鳳音樂之有琴瑟於女工也譬黻黻俾爾有周孔鱗羽之有龍

章而景慕映餘暉以自燭故孔氏之門如有詩則公抱篇

幹升堂思王入室景陽潘陸白可坐於廊廡之間矣

拜侍中建安二十二年卒。曹操辟為丞相掾賜爵關內侯

魏

劉楨

字公幹東平人太祖辟為丞相掾屬太子嘗宴諸文學

三十家詩鈔

乃收治罪減死輸作署吏建安二十二年卒。詩品曰楨

詩其源出於古詩仗氣愛奇動多振絕真骨凌霜高風跨

魏

阮籍

字嗣宗陳留尉氏人司空記室瑀之子容貌瓌傑志氣

籍聞步兵婚籍乃醉六十日不騎常侍大將軍司馬昭欲

事又對人能為青白眼由是禮法之士深所讐疾大將軍

常保持之。詩品曰阮籍詩其源出於小雅無雕蟲之巧

而詠懷之作可以陶性靈發幽思言在耳目之內情寄八

晉

潘岳

字安仁榮陽中牟人美姿儀少以才穎發名善屬文清

遷給事黃門侍郎素與孫秀有隙及趙王倫輔政秀遂誣

岳與石崇為亂誅之。詩品曰潘岳詩其源出於仲宣翰

陸機謝琨云潘詩爛若舒錦無處不佳陸文似披沙簡金



陸文深  
往深見寶嶼謂益壽輕華故以潘為勝翰林篤論故謂陸  
為深余常言陸才如海潘才如江孫興公曰潘文淺而淨

晉 張華

字茂先范陽人晉武帝受禪以為黃門侍郎贊伐吳有  
封功元康六年拜司空與趙王倫孫秀有隙為倫秀所害  
○詩品曰張華詩其源出於王粲其體華艷興託不奇巧  
用文字務為妍治雖名高曩代而疏  
亮之士猶恨其兒女情多風雲氣少

晉 陸機

字士衡吳郡人太傅馬抗之子也少有奇才領父兵為  
著作郎出補吳郡王郎中令入為尚書郎趙王倫輔政引為  
參軍大初成敗績等起兵書少於公幹文劣於仲宣  
出於陳思才高辭瞻舉體華美氣少於公幹文劣於仲宣  
尚規矩不貴綺錯有傷直致之奇然其咀嚙英華  
厭飫膏澤文章之淵泉也張公歎其大才信矣

晉 左思

字太冲齊國臨淄人也徵為秘書郎齊王罔命為記室  
辭疾不就以疾終○詩品曰左思詩其源出於公幹文  
三十家詩鈔 卷末 爵里攷 二

晉 張協

字景陽與兄載齊名辟已亂遂轉居草澤以屬詠少病  
終於家○詩品曰張協詩其源出於王粲文體華淨少病  
累又巧構形似之言雄於潘岳靡於太冲風流調達實曠  
代之高詞采蔥蒨音韻  
鏗鏘使入味之疊疊不倦

晉 劉琨

字越石中山人少以雄豪著名永嘉初為并州刺史建  
以并州叛降石勒琨遂奔薊段匹磾因與結婚約以共戴  
晉室元帝諡曰愍○詩品曰太尉劉琨後其子羣謀詩其源  
出於王粲善為悽戾之詞自有清拔之氣琨既良才又罹  
厄運故善敘喪亂多感恨

晉 郭璞

字景純河東聞喜人文章冠一時尤妙於陰陽算歷卜  
之詞中郎仰之微不逮矣  
去王敦起為記室參軍敦既謀逆使筮璞曰無成壽且不安  
久敦大怒即收斬之及敦平追贈宏農太守○詩品曰郭

晉陶淵明

璞詩憲章潘岳文體相輝彪炳可玩始變永嘉平淡之體  
故稱中興第一翰林以為詩首但遊仙之作詞多慷慨乖  
違元宗而云奈何虎豹姿又云戢翼棲  
榛梗乃是坎壈詠懷非列仙之趣也

躬耕自資隆安中為鎮軍參軍義熙元年遷建威參軍未  
幾求為彭澤令在縣入十餘日解歸隱年終身不仕應  
延年誅之諡曰靖節徵士詩曰靖節意高古辭與婉  
璩又協左思風力文體省靜始無長語篤意酌春酒日暮天  
無雲風華清靡豈其人歎其質直至如歡言酌春酒日暮天

宋謝靈運

為從事武時襲封康樂公累遷黃門侍郎宋公位相國以  
騎常侍轉太子左衛率武帝崩出為永嘉太守在郡辭歸  
始甯文帝登祚徵為祕書監遷侍中未幾復稱疾歸尋  
山陔險會稽太守表其有異志帝惜其才授臨川內史復  
為有司所糾徙廣州尋以事詔就廣州棄市年四十九復  
詩品曰靈運詩其源出於陳思雜有景陽之體故尚巧似  
而逸蕩過之類以繁蕪為累巉謂若人興多才高寓目輒  
書內無乏思外無遺物其繁富宜哉然名章傑句處處閒  
起麗典新聲絡繹奔會警猶青松之拔

宋顏延之

灌木白玉之映塵沙未足貶其高潔也  
子舍人盧陵王待之甚厚執政以其構扇異同因帝崩出  
為始安太守文帝元嘉三年徵為中書侍郎未幾復出  
永嘉孝武登祚以金紫光祿大夫卒贈特進諡曰憲○  
詩品曰延之詩其源出於陸機體裁綺密情喻淵深動無  
虛散一句一字皆致意焉又喜用古事彌見拘束雖乖秀  
逸是經綸文雅才減若人則蹈於困躓矣湯惠休曰謝

宋謝莊

錯采鏤金額終身詩如  
詩如芙蓉出水顏詩如  
逸是經綸文雅才減若人則蹈於困躓矣湯惠休曰謝  
錯采鏤金額終身詩如  
詩如芙蓉出水顏詩如

宋謝莊

席子希逸弘微之子仕文帝時為隨王誕記室遷太子中  
事又領參軍立除侍中歷吏部都官尚書左衛將軍加給  
日希逸詩氣候清雅不逮於王袁然興屬閒長良無鄙促  
矣

宋謝

日希逸詩氣候清雅不逮於王袁然興屬閒長良無鄙促  
矣

宋謝瞻字宣遠六歲能屬文與從叔混族弟靈運俱有盛名晉

求守中為宣城太守宋初除中書侍郎以弟晦當朝乃

宋謝惠連法曹參軍年三十七卒。詩品曰小謝詩才思富捷

恨其蘭玉夙凋故長轡未騁秋懷搗衣之作雖復靈運銳思亦何以加焉

宋鮑照一作昭字明遠東海人詞贈逸尤長於樂府始謁臨

中書舍人上方項鎮荆州以高頗多忌參軍時賦述外諸王皆

拒命子項敗遂遇害。詩品曰鮑照詩其源出於二張善

形狀寫物之詞得景陽之傲詭含茂先之靡嫚骨節強於

謝混驅邁疾於延年總四家而擅美跨兩代而孤出嗟其

才秀人微故取淹當代然貴尚巧似不避危仄頗傷清雅

之調故言險俗者多以附照。荆州以文學未幾求還都除新安王記室尋兼尚書

齊謝朓字暉宋僕射景仁之從孫少有美名齊隨王子隆鎮

殿中郎宣城太守後遷至吏部郎兼衛尉丞元初江祐

書郎出補宣城太守後遷至吏部郎兼衛尉丞元初江祐

謀立始安王遙光引以為黨不從收下獄死。詩品曰謝

朓詩其源出於謝混微傷細密頗在不倫一章之中自有

玉石然奇章秀句往往警適足使叔源失步明遠

變色善自發詩端而末篇多躡此意銳而才弱也

齊融字元長瑯琊人僧達之孫也少警慧博涉多通仕齊武

帝大漸謀立子良及鬱林郎竟陵王子良拔為甯朔將軍武

梁淹字文通濟陽考城人弱冠以五經授宋始安王劉子真

為鎮軍參軍領東海郡丞王欲舉兵淹以爲諷乃黜為吳

興令齊高帝始置史館命淹兼為纂稿入遷御史中丞明帝時

出為宣城太守還為秘書監兼為纂稿入遷御史中丞明帝時

摹擬筋力於王徽成就於謝朓故君子貴白立不可隨流

俗

梁沈約

字休文吳興武康人宋泰始中蔡興宗引為安西記室

帝徵為五兵尚書及梁武受禪以佐命功除僕射感尚書

以不嫻於經綸而長於清怨永明相王愛文章鮑明遠也所

宗附之於時謝朓未適江淹才盡范雲名級故微故約稱

音嶸謂約所著既多詞密於范意淺於江也

為中品之第矣故當詞密於范意淺於江也

踐宗深所推挹仕齊為竟陵王記室參軍司徒長史武帝

詩不工故世稱沈詩任筆助深恨之晚節愛好既篤文亦

用事所以詩不得奇少

三十家詩鈔

梁范雲字彥龍南鄉舞陰人初為齊竟陵王府主簿歷始興內

以雲為黃門郎與約同心翊贊遷散騎侍郎尚書卒

諡曰文○詩品曰梁衛將軍范雲梁中書郎邱遲詩范詩

清便宛轉如流風迴雪邱詩點綴映媚似

落花依草故當淺於江淹而秀於任昉

梁何遜字仲言東海郟人承天曾孫也與宴遊及遷江州遜猶

掌書記復為安西軍成二王參軍事兼尚書水部郎除廬

梁

吳均

字叔庠吳興故章人好學有俊才天監初柳惲為吳興

之謂為吳均體建安王引為記室尋為國

侍郎還除奉朝請奉詔撰通史未就而卒

梁

庾肩吾

字子慎新野人入歲能賦詩初為晉安王常侍王為

中庶子初簡文帝在藩雅好文士肩吾亦預其選簡文即位肩吾為度支尚書侯景矯詔遣肩吾喻當陽公大心尋

陳陰鏗字子堅武威人五歲能誦詩賦日千言尤善五言詩為

興王中錄事參軍累遷至

陳徐陵字孝穆東海郟人擢之子初為梁晉安王參軍累遷至

南徐州大中正建昌縣開國侯氣

北周庾信字子山新野人幼而俊邁博覽羣書父肩吾為梁太子

信累遷通直散騎常侍聘於東魏文章辭令甚為鄴下所

稱梁元帝稱制除御史中丞及即位轉右衛將軍聘於西

魏屬大將軍南討畱長安累遷開府儀同三司尋徵司宗

三十家詩鈔

卷末

爵里攷

六

夫卒  
中庶子初簡文帝在藩雅好文士肩吾亦預其選簡文即位肩吾為度支尚書侯景矯詔遣肩吾喻當陽公大心尋

陳陰鏗字子堅武威人五歲能誦詩賦日千言尤善五言詩為  
興王中錄事參軍累遷至  
陳徐陵字孝穆東海郟人擢之子初為梁晉安王參軍累遷至  
南徐州大中正建昌縣開國侯氣  
北周庾信字子山新野人幼而俊邁博覽羣書父肩吾為梁太子  
信累遷通直散騎常侍聘於東魏文章辭令甚為鄴下所  
稱梁元帝稱制除御史中丞及即位轉右衛將軍聘於西  
魏屬大將軍南討畱長安累遷開府儀同三司尋徵司宗  
夫卒  
中庶子初簡文帝在藩雅好文士肩吾亦預其選簡文即位肩吾為度支尚書侯景矯詔遣肩吾喻當陽公大心尋

12237

80664

831.76

天津圖書館

河北路五

三才詩鈔

清(皇朝) 魏謙

12237

831.76

80664



